



Wie ech klei woar, soasse mr sonnoawends öm Urer halver vier emmer irjendwo zesame on ha de Bundesliga em Radio gehöart. Klei Jonge on groarse, all fußballgeck. Wat woar dat schör!

"Tor e Dortmund", "Elfmeter ob Schalke", "Tor geje de Bayern", bölkte de Reporter durjenaner e det Mikrofon. On mir Jongedenger soasse doa on ha gejuwelt, worn och alt e mo drurech, awer drmeist zefrere bet dr Welt.

Döscherdurch speelte det Radio och Musik, de nöjste Leer us dr Hitparade. Domoals (1966) goab et en wahne Hit va de "Herman's Hermits" us England. Dat hoarte mr veel döscher dm Fußball, on die songe: "No Milk Today".

<https://www.youtube.com/watch?v=f0XDVEqeHwg>

Ech verstön dr Worde net ei on froagte en groarse Jong, wat dat da hees. Dä säde drüj: "Keine Milch heute".

Ech woar begeistert, weil ech verstön: "Keine Milch-Häute" - "Ken Melch Hutt"
Mir hoarlte doamols nämlich de Melch e dr Blechkann frösch gemolke bi Nachbern die noch en Ko em Stall stoa hadde.

Orwe drob schwomm emmer en Schecht Schmand, dä hes de Hutt.
Ech hädde speje kon, wenn ech dat och nur geseh ha.
On noch me, wenn de Oma doaheim en Leffel noahm, on dat äkelech Züch direkt us dr Kann gesse het.

"Keine Milch-Häute" - dat klong e mine Oahrn bal so schör wie det Glöckelche am Chrestbaum.
Derweje ha ech dat Leed och veel gebrommt or gepiffe.
Nur geholfe het dat nix:
De Melch koam emmer noch direkt va dr Ko, de Hutt woar emmer noch orwe drob, de Oma
oass emmer noch bem Leffel us dr Kann on ech woll emmer noch speje.
Bes ho ka mr mech bet al Sorde va dä wiss Bröh sost wo hin jä.

Nur de Bundesliga am Sonnoawend öm Urer halver vier, die guggle ech emmer noch.
On drenke doabi lewer zwo Flesche Bier wie och nur ei Schlock Melch...